

光緒贛榆縣志卷之十五

古蹟

冢墓金石

班著地志酈注水經系故事於郡縣之間緯陳跡於山川之下不更標題也自三輔黃圖洛陽伽藍記頗詳古蹟於是潛說友志臨安楊潛志雲間遂以列爲子目然事覈而言雅猶庶幾作者之風焉近代方志其流寢濫掇腐朽爲奇寶龔陳說如埶塗八景十景橫相取足所謂流於異端全無根要亦旣沿爲通弊譏貶不寤者矣舊志略虎坑義塘不載而以流俗所傳金牛墩百祿泉與紀鄆祝其故城並錄篇牒何其忍於去取者耶今悉依嘉慶州志而逡聖化亭附綴於夾谷十二景則姑存其名云爾

光緒贛榆縣志

卷之十五

紀鄆城縣東北左傳齊伐莒莒子奔紀鄆杜預注贛榆東北有紀城卽紀鄆也南齊書建武二年青冀二州刺史王洪武範遣軍主襲魏紀城克之蓋邊陲戍守處也水經注游水東北逕紀鄆故城南太平寰宇記在懷仁縣東北七十五里平地近海周一里餘一統志江南通志並同舊志治西七十里誤也

莒城縣西十五里水經注游水自祝其又左逕卽邱故城西莒子始起此後徙莒世謂此爲南莒有鹽官城形正方廢壘猶存今爲莒城鎮

贛榆故城二元和郡縣志一名鹽倉城在縣東北三十里太平寰宇記晉逡贛榆縣治艾不城在東海縣北二十四里北齊天保元

年省嘉慶州志一統志以爲漢縣卽此又元和志一在故東海縣北四十九里青山之陰隋末土人臧君相築嘉慶州志一統志以爲唐縣然一統志東海故城在州東北海中本贛榆縣地方輿紀要東海廢縣州東十九里漢贛榆縣地卽鬱洲山其說齟齬不合證之崔應階雲臺山志大氏漢縣已沒海中代遠事佚無從彷彿前人據所可攷者言之耳又魏書地形志歸義有鹽倉寰宇記懷仁縣北二十五里故一統志有歸義故城而無鹽倉嘉慶州志有鹽倉城而無歸義參互攷之當是一處卽守過而存之之義亦依一統志爲長蓋縣爲顯名縣所有之地不必定在所治也

利成故城在縣西漢武帝元朔四年封城陽其王子釘爲有利侯光緒贛榆縣志 卷之十五 二 水經注游水又北逕利成故城東故利鄉也又曰武陽溝水東出倉山山之上其有故城世謂之鹽官城卽古有利城也後漢建安三年於此立郡劉宋省唐武德中復置旋省寰宇記故利城在縣西六十里

懷仁故城康熙俞志縣北三十里方輿紀要州北八十里宋爲艾塘戍魏置黃郭戍東魏置義塘郡寰宇記在懷仁縣西二十五里一統志本之按東魏武定七年置懷仁縣有吳山魏山莒城今城頭鎮有廢城遺址去治西三十五里去吳山莒城不遠則俞志非也

虎坑城南齊書張冲傳冲遣軍主林僧護攻拔魏虎坑方輿紀要

在縣西北南北朝置戍處一統志在縣西

武陵郡故城東魏置武陵郡寰宇記武陵郡城在縣南五十九里

隋廢南有洛要鎮故洛要縣也今大沙河南城子村遺址尚在云

義塘郡故城江南通志在贛榆縣西北寰宇記魏義塘郡理黃郭

戍領義塘歸義懷仁三縣並在密州莒縣界隋開皇三年廢郡移

懷仁縣理於此一統志引舊志即今治殆據元和志懷仁縣東南

至海州九十里之說也

新城縣東南四十里范家口側相傳舊縣治久廢

抗金城縣西南五十里宋築以備金久廢

孫魁題抗金城記治西南五十里有抗金城相

傳宋魏勝所築以抗金人者也城周圍五里許高六七尺無磚石

光緒贛榆縣志

卷之十五

三

澗亦宋時鑿澗形曲折北門外有高磧土五色亦宋時屯兵處西
北長河如龍蜿蜒而來環抱之西三里有土山又名石鹿山以上
有攢石如鹿故名說者謂宋時分屯處也山上煙墩礮臺遺基可
辨城南畫嶺如屏多巨石東南曲沼回環亦宋人所鑿引水以為
衛城荒頽壞盡為禾黍農人耕耘屢得折戟古錢等物頃有獲資
瓶者瓶凡七古色斑駁盛酒食數日味不變折花枝插之不枯以
其質蠢不甚惜排置敝几几傾盡碎余往購見之惋惜
良久乃知前朝器物遺佚散棄而不可考者不勝窮也

界牆城縣北六十里東際海西連山久廢

占山亭宋元祐中懷仁令陳德任建蘇軾懷仁令陳德任新作占

山亭二絕尙父提封海岱間南征惟到穆陵關誰知海上詩狂客

占得膠西一半山我是膠西舊使君此山仍合與君分故應竊比

山中相時作新詩寄白雲見查慎行蘇詩補注

曬書臺縣西三十里子貢山俗傳端木子讀書於此

落星石縣北四十里隕星所化高丈瑩白如玉

金蟬泉縣西南二里許俗傳有金蟬居其中在玉帶河側色白而清味甘而冽康熙四十七年知縣李俊有浚為井縣人亦名李公泉

龍尾沙荻水潮灘有沙突起迤邐數里狀如龍尾小徑所通僅可容足足以外泥淖不可行潮上時洪濤四湧沙不可見而未嘗少濡昔遭兵火民以為桃源

梳妝樓縣北三十里鹽倉城玉皇閣前閣趾高丈餘上有碑重千餘斤縣人姚青山負之而上莫攷所自殆泰山碧霞元君廟側梳妝樓之類也

光緒贛榆縣志

卷之十五

近海亭治東倉後久廢

藏春亭治東一里久廢

嘉慶州志八景夾谷聖蹤秦碑籀跡玉帶洄環澁金螺髻紀鄣遺城沙河古渡藏春池亭紫陽橋觀舊志十二景端木書臺秦碑籀跡了髻聽潮吳峯望日夾谷鶯啼興莊夜雨欄頭丹竈阿夜煙雲

王文炳彙了髻欄頭阿夜三景已歸日照海州因增四景雲巖曲洞泊船錦纜石梁仙蹟春潮

酒市

冢墓

仙邱縣南二十里相傳為仙冢 三女墩縣西相傳為古三節婦墓

宋參政胡松年墓縣西南一里許遺跡尚存

明孝豐縣知縣董傑墓縣南二十里董家莊 戶部主事邵思忠

墓縣西三里邵家林 嘉興府同知賀爵墓青口鎮西保

光祿寺卿裴天佑墓縣南三里戴家嶺 都御史何寬光祿寺卿裴

天佑生有異稟舉動端疑年十七補博士弟子員每試督學使者

必大奇之癸卯領鄉薦庚戌少師石麓李公以修撰校禮闈得公

卷以為佳丞錄之公儼居京師需次踰二年以一僕自隨若時輩

所為乞差廣交紛華之態公耻弗屑也為建安令誓不以膏腴自

潤汰供億薄贖緩革火耗食御如寒士泊如也其所為政務在厚

民凡閭閻關市郵傳所疾苦未便者悉建議罷去尤嫻習法比吏

不敢欺是時閩令長無如建安良於是觀風使者交薦公徵拜御

史居無何按催河南陝西四川三省之逋公憐民力絀所至程督

有司仍寬假之不忍急箠楚又奏蠲去數萬金卒之事以濟而民

不傷公之功也巡按山東時東土乘苛察之弊吏民重足公曰焚

忌及玉刈戒傷根吾何忍案行諸郡邑惟貪墨暴戾恣睢甚者務

去之罔亦少疏焉東人欣欣然若大冬之遇陽春也公長厚持大

光緒贛榆縣志 **卷之十五** **五**

體而執法不可撓名炳炳臺中由是司大計典京畿鉅差必以屬

公公綜核罔弗當上意遂拜大理右丞左丞晉右少卿詳讞庶獄

明允人以爲不冤云踰年擢光祿寺卿寺故多冗濫公銳意裁汰

有詔徙南遂上疏乞歸故里俟命竟亦不南也公長軀偉貌抑抑

温温絕口不談人短聞人之善輒擊節歎賞自弱冠至白首自爲

諸生至上大夫行誼粹乎若金精玉潔無類也 攷明史七卿表

梓墓縣南五十里朱家屯莊西北 太和縣知縣倪文純墓縣西

北十五里倪家林 戶部主事徐可久墓縣東二里呂家河涯 嘉

州志稱俞廷瑞舊志王城新志俱不錄冢墓據

明宋祖舜淮安府志暨諏訪所及補著如右

國朝淮軍副將張登瀛墓班里莊北同治六年八月登瀛追賊戰

死其部卒稟葬之縣人爲築墳立石記焉

金石

重修秦山碑額題重修秦山碑記六字篆書文勒梵夾語碑陰有記真書剝蝕不可讀微辨正德庚辰嘉靖甲辰等字蓋嘉靖間碑也篆真皆不佳

秦山石壁郭鉉題名真書文曰欽差總督蘇松淮揚海道諸軍事鎮國將軍都指揮同知合肥郭鉉巡邊至此見前代諸公留題遂書此以紀其歲月云大明成化丙午秋九月望日識守禦東海營都軍政武略將軍武文通奉郭差委來勒石因而遂勉書之

嘉慶州志